

叢書集成續編

第二四〇冊目錄

史地類



黑龍江地理

黑龍江輿圖說一卷

清屠寄撰

遼海

一

蒙古地理

塞程別紀一卷

清余宋撰

昭代

四一

塞北小鈔一卷

清高士奇撰

昭代

五三

巴林紀程一卷

清文祥撰

遼海

六七

新疆地理及其地方史

新疆建置志四卷

清宋伯魯撰

關中

七三

西陲竹枝詞一卷

清祁韻士撰

山右

一四三

青海地理

湟中雜記一卷

清不著撰人

玉簡齋

一五一

西藏地理

進藏紀程一卷

清王世睿撰

昭代

一七七

藏行紀程

清杜昌丁撰

昭代

一八九

西藏紀述一卷

清張海撰

振綺堂

二〇七

西藏聖蹟考一卷

民 張伯楨撰

滄 海 二二九

都會

汴都賦一卷附錄一卷

明 汪汝謙

武林往哲 二四五

都程紀勝一卷

宋 耐得翁撰

武林掌故 二六一

禁扁五卷

元 王士點撰

棟 亭 二七五

汴京遺蹟志二十四卷

明 李 濂撰

三 怡 堂 三四三

歷代帝王宅京記二十卷

明 顧炎武著

槐 廬 五六九

京師五城坊巷衢衢集一卷

明 張 爵撰

求 恕 齋 七二九

如夢錄一卷

明 不著撰人

三 怡 堂 七四七

wt93/01

黑龍江輿
圖說

遼海齋書

公簫



癸酉季秋

黑龍江輿圖說

目錄

黑龍江總圖說
齊齊哈爾城圖說
黑龍江城圖說
墨爾根城圖說
布特哈圖說
呼倫貝爾圖說
呼蘭城圖說
呼蘭廳
綏化廳
入發庫門道
入喜峰口道

武進屠寄撰

黑龍江輿圖說 目錄

遼海叢書

黑龍江圖凡例

一境內山河無論支阜支流有名者十之九因地廣圖狹不能悉注
今擇舊會典及乾隆圖武昌所刻大清一統圖所有山河盡數列
入外其次擇新查出之尤有名者添入五十里分圖其餘具載十
里方底稿圖以備稽考

一黑龍江之左外興安嶺之陽自安巴格爾必齊河東至畢占河本
咸豐八年前中國舊地遵館章繪入示不忘本今特別之曰舊界
一黑龍江左岸山河舊圖未經確查形勢方位多有未合前使臣洪
鈞所譯界圖形勢方位合矣而譯音與舊圖稍殊今圖形勢方位
悉依界圖其譯音仍從舊會典等圖至舊會典等圖所無之山河
而界圖有者酌依界圖蓋界圖所譯之名十九皆本地索倫蒙古
舊名不盡由彼國別自命名

如結雅二字仍是精奇里三字變音
特以俄國人譯索倫語不能無稍差
中國人轉譯俄文圖又不能無稍差
輾轉遞譯音遂有變字更不同耳

黑龍江輿圖說 凡例

遼海叢書

一大小格爾必齊河皆在黑龍江未會額爾古納河上游舊圖誤以
阿瑪匝爾河為格爾必齊河今特依界圖更正

一黑龍江左岸自咸豐八年以後彼國經營日新月盛屯站電線官
署兵房未便列入中國圖中今仿魏收志地形詳北齊略後周之
意悉在刪除之例而底稿圖中則仍詳載以備參考

一黑龍江之左外興安嶺之南地既遼闊路又險阻且在界外未便
深入查繪今就彼國濱江站道行旅易至之地悉心詳繪而江左
照約留駐之旗屯五十五所尤詳細繪入十里方底稿圖

一黑龍江本極邊防戍之地自國初以來分設將軍都統總管城守
尉大抵有分兵無分土而布特哈專轄性丁其牲丁所至之地皆
布特哈總管應巡查之地故外興安嶺鄂博向歸布特哈巡查而
遜河等處鄂倫春亦歸管轄故布特哈舊日所轄之地最廣與各
城本無一定之界自光緒間改總管為都統其舊轄之鄂倫春分

隸黑龍江墨爾根呼倫貝爾三城於是六城分地稍有界限今圖所定者是也然打牲部落本依山林逐禽獸爲生計與蒙古逐水畜牧相類歷時既久禽獸水草既盡不能無稍移徙不比內地農民以田產爲土著故今所定六城之界亦不能無稍出入即詢之士人彼此亦難確指一定之界也

一嫩江自溫托昏站以南已入內蒙古杜爾伯特旗札賚特旗境松花江自札喀和碩臺以西左岸皆郭爾羅斯後旗境然名山大澤不以封故舊會典圖仍繪全形說則從略竊謂迤南五站皆瀕嫩江迤東四臺皆瀕松花江雖云借設然各撥有耕牧實地四圍十里今之說水是休臺站故嫩江則直窮其流松花江則西自茂興南之三岔口東至黑龍江會口並列入總說

一布雅密河以東吉林於松花江左岸借設五站故舊會典圖載此段松花江於吉林撥之主客之義有似喧奪況吉林站界東北至

黑龍江與圖說 凡例

二

遼海叢書

屯河右岸之古木訥城舊會典自屯河以東至必占河悉畫入吉林三姓界者誤也今特更正然吉林五站與黑龍江原築之封堆歲久湮沒其迤北定界至今兩地守土官爭執未已今圖界線亦止大概而已

一額魯特依克明公一旗自準部平定遠來投順雍正初安置於齊齊哈爾莽奈岡東北跨湖裕爾河南岸設莽奈喀倫防範之故俗呼莽奈公無印亦無札薩克字樣故歸將軍衙門管轄與各旗內外蒙古管於理藩院者不同現在漸丁百餘戶其牧地借在齊齊哈爾布特哈兩間亦未劃清故今圖仍繪入齊齊哈爾城圖內其所管蒙屯仍星散列入大約在納木爾河以南巴貝以北柞樹岡以西來可屯以東然至到究未便列入圖說

一自開墾呼蘭綏化兩廳荒地後燕齊遼左客民北來者衆重以採參開礦五方雜處舊圖所列山川溝澮各以漢語土呼之稱隨意

指目而本地齊呼兩城旗丁既漸忘國語不識滿文亦復從而稱之今圖特兩名並存以資參考

一國初疆土初開多置喀倫既防逃人亦爲搜貂皮而設近年客民之禁已弛貂皮之產亦稀齊蘭布墨四城喀倫久廢惟黑龍江北界俄羅斯光緒間瀕江右岸添設喀倫呼倫貝爾北西南三面兼與內外蒙古接壤除原設喀倫外近亦添設多處今圖悉依現在者列入其已經廢棄確知地望者以廢字別之一臺站既附總說之末其名當注入總圖但地廣圖狹礙難填寫不得已於總圖僅作記號於分圖詳注名稱

黑龍江與圖說 凡例

三

遼海叢書

黑龍江總圖說

黑龍江黑龍江將軍鎮守齊齊哈爾城齊齊哈爾副都統同鎮守焉
在吉林北一千有七十二里西南至京師三千三百七十七里領屬
城六廳二齊齊哈爾城東南為呼蘭城呼蘭廳綏化廳其北東布特
哈又北東墨爾根城又東北黑龍江城其西北呼倫貝爾城全境起
北京偏西經一度有四分東經東經十八度五十有二分北緯四十
五度十五分站計北暨北緯五十五度三十七分南北縱二千有
六十里東西廣一千五百七十里東南至西北表二千一百四十里
西南至東北表二千四百六十里東至黑龍江松花江會口千二百
二十里吉林界南至茂興站南四百十五里內蒙古郭爾羅斯後旗
界西至哈爾渾河五百八十五里外蒙古喀爾喀車臣汗界北至外
興安嶺吉魯河源一千六百六十里俄羅斯國舊界東南至布拉克
臺南松花江吉林界東北至外興安嶺西林穆迪河源鄂博一千八

黑龍江與國說 總圖說

遼海叢書

百四十五里俄羅斯國舊界西南至嫩江與雅爾河會口一百有五
里內蒙古札賚特旗界西北至額爾古納河與黑龍江會口一千有
二十四里右岸俄羅斯國界至安巴格爾必齊河與黑龍江會口一
千有五十三里俄羅斯國舊界以上聯城山分南北二幹南幹統名
內興安嶺其脈自俄羅斯薩拜喀爾省之捏爾臣斯克嶺即尼布楚
嶺來自額爾古納河與黑龍江會口伏渡入界迤南起頂為治吉察
山東經五十二度北緯五十二度亦作雉雞場山之左額爾穆爾瑪爾諸大河所出
山右伊穆河漢河出焉迤而南起頂為伊勒呼里阿林東經五十五度北緯三十五度譯言一順松子山也高可二百丈塔哈河出其東北牛爾
河出其西北嫩江出其東南實墨爾根黑龍江呼倫貝爾三城之大
分水嶺也多草木饒禽獸索倫鄂倫春畢喇爾諸部人倚以為苑囿
即北史所謂室韋欠對山隋書所謂次對山也自此內興安嶺分為
二幹其一迤東二百二十四里結為平岡東經九度二十分北緯五十一度三十分南為

喀羅爾源所出其北呼爾哈河出焉則折而南為庫穆爾室韋山又

南起頂為庫穆爾哈達東經十度北緯三十度又南迤西起頂為東興安嶺
東經九度五十分北緯三十九度三十分嶺東之水皆流入黑龍江遜河為最大嶺西之
水皆流入嫩江謨魯爾和羅爾二河為大又東南山漸平衍高可五
六十丈凡四百五十里起頂為木庫山東經十一度北緯四十八度松樺雜樹陰
日參雲則迤而東南起頂為布倫山東經十七度五十六分北緯四十八度漢人呼為
大青山亦名小興安嶺其西南麓納穆爾源出焉東北為科爾芬源
其南為呼蘭源實呼蘭黑龍江布特哈三城之分水嶺也又東二百
二十四里鬱為樹海曰吞窩集東經十三度北緯四十八度車馬道絕是生豐貂
唯索倫人游獵其中迤而東南起頂為哲溫山東經十三度三十分北緯四十七度三十分
五哲溫之合音近占國語數之十也語謂為札伊其陰札伊河出焉
其陽烏爾都魯諸河之源也大產金自此邇迤而東土岡起伏曰佛
恩亨山金史所謂阿斯溫山又東南伏渡松花江入吉林三姓界為

黑龍江與國說 總圖說

遼海叢書

納丹哈達拉國語七峯金史所謂令撻刺山也伊勒呼里阿林其幹
西南行者起頂為伊克呼里阿林東經六十一度北緯五十一度譯言結實松子山語
謂雅克山蒙古人呼為伊克古克達猶漢語大嶺也多布庫爾河源
出其左特勒布爾河根河源出其右迤西南起頂為特勒庫勒山東經五十五度三十分北緯五十二度諾敏河出其左伊圖里河庫勒都爾河海喇爾河
源出其右又西南起頂為興安嶺東經四十八度四十六分北緯四十八度五十一分索倫人呼
為達巴庫即北史隋書所謂貳勒山嶺東之水皆流入嫩江阿倫雅
爾綽爾三河為大嶺西之水札敦河為大又西南起頂為阿魯塔爾
奇嶺東經四十八度北緯四十八度阿魯蒙古語山陰也塔爾奇即特爾根之對音蒙
古語車也山木中車材因為名古黑車子室韋所居迤西南九十
里有室韋山又西為特爾根山又南起頂為哈瑪爾山東經四十七度北緯四十八度
岳爾濟山索岳爾濟蒙古語端坐也內興安嶺自伊勒呼里阿林婉

峽西南行數十起伏至此盤結爲峻阜高可九十丈周可百餘里四
 顧羣山皆培塿若端坐而受其朝者故名唐室韋塞曷支部實居之
 塞曷支即索岳爾濟之對音洵爾河桂勒爾河出其東南訥墨爾根
 河出其西北色野爾濟河出其西南山顚有五鄂博焉呼倫貝爾布
 特哈科爾沁烏珠穆沁喀爾喀以此山爲界分各累石祭神期以五
 月數百里內車騎畢會嚴不敢呼其名謂呼則風雨驟至其餘脈直
 至直隸承德府矣北幹統名外興安嶺嶺南舊屬中國黑龍江嶺北
 屬俄羅斯國雅庫其脈自俄羅斯國西悉畢爾都雅庫次克之阿爾
 坦山來由安巴格爾必齊河源入界東經一度三十分北緯五十三度三十分迤而東起
 頂爲索勒闊痕山東經六度北緯五十三度鄂爾河源出焉又迤而東北有石峯
 凡六起頂爲朱格朱爾嶺東經十三度北緯五十五度四十分朱格即
 齊老之對音亦作省羅朱爾千之對音蒙古語數之六也朱爾即
 又作奇者蒙古語石也經又南迤東起頂爲雅瑪嶺即古胡布山也東
 十七度三十三分北緯五十三度五十分經瑪胡布即
 安巴之對音國語安巴大也亦作昂邦又作安班經有二水出焉北曰

黑龍江輿圖說 總圖說
 三 遼海叢書

爲東經一八度四十三分迤而西南起頂爲楊山卽布達斯奇嶺北緯五十二度十四分吉林舊界爲完達山語譌爲王達金史謂之完都魯亦曰桓篤遼時常遣使障屬於此山所謂完睹路也此皆黑龍江左岸之大分水嶺也咸豐八年與俄羅斯國重議和約畫江爲界凡外興安嶺以南黑龍江之左原駐旗人五十五屯依舊留駐外餘地悉入彼國名爲阿穆爾省焉以上山水則以黑龍江嫩江松花江爲經流而呼倫貝爾西南之水又以呼倫池爲總匯黑龍江源出外蒙古喀爾喀車臣汗部中後旗小肯特山之西北卽元祕史所謂不兒罕合勒敦山今亦作布爾空哈勒都那水之上游曰敖嫩河亦作鄂諾蒙古語狼也卽元史所謂斡難河東北流五百里許自阿勒斯特鄂博之西入俄羅斯國薩拜喀勒省界折而北右合溫達河左合音果達河又折而東

北流左合尼布楚河又東北流彼國呼爲石勒喀河國語呼薩哈連
烏喇譯言黑龍江北史所謂完水唐書所謂室建河舊書所謂望建
河望建即莽監之對音國語音也北人謂黑爲青故曰望建太平寰宇記所謂烏桓水金史所謂
石里罕河一作石里很元史所謂撒合兒兀魯也室建石里罕石里
很撒合兒石勒喀皆薩哈連變轉之聲兀魯烏喇對音譯語無正字
也又東北流百四十里許左納安巴格爾必齊河即鄂爾闊奇雅河
入中國黑龍江城舊界左岸有滿漢蒙古喇第諾四種文界石國語
曰額爾登額倭赫又東北流五十里左納阿吉格格爾必齊河阿吉
格國語小也又東流二百五十七里額爾古納河東北流來會會口
左岸有額爾登額倭赫又東流七十五里右納察爾巴奇河即薩坡
什喀河又東迤北流二十里右合阿瑪匝爾河又東流三十五里左
納烏爾堪河又東迤南流三十里右納謨河即墨河亦即漠河又東
南流三十五里左納烏勒爾喜河又東南流三十里左納鄂爾河即

烏魯赤河折東北流七十五里左納鄂爾多昆河又曲曲如弓東南流百二十里左納利威爾河又東南三十里左納烏爾蘇河又東南流十五里逕雅克薩城西南右合額穆爾河又東南五十里右納旁烏河又曲曲而東百有十里左納波羅穆達河又東折而西南又折而東北流百六十里左納額爾格河折而南四十里又折而東二十八里左納爾巴爾坦河又折而南二十五里左納托羅河又曲折如弓南流百餘里右納烏庫爾河又東三十里折西南十五里左納鄂嫩河又曲曲東南流百四十里左納洵斯河又東南四十五里瑚瑪爾河東北流來會又東南七十里作一大曲形如弓字凡二百六十里曰烏魯蘇穆丹譯言重彎也曲處左岸有烏魯蘇穆丹故城國初索倫庫爾喀部人博木博果爾所據之城也又東南流百里右納滾河克拉河克魯倫河右納布蘭河又東南流三十里左納固蘭河額蘇里河折而西南流逕額蘇里城西又西南流五十五里逕哈喇泊

西哈喇蒙古語黑也語謂爲海蘭泡今漢語呼爲黑河俄羅斯人呼爲布拉郭威什臣斯克折而西南又折而東北流五十里逕黑河屯北海蘭泡南又東精奇里江合西林穆迪河西南流來會又東迤南流七十里逕愛琿故城西黑龍江城東又南流二十五里右納坤河又東南流五十五里逕特爾德尼城北折東流五十五里逕札喀蘇城南札喀蘇蒙古語魚也蓋元時打魚水達達故城國初舉喇爾部人所據又東五十里左納謨里爾克河右納遜河又東左納博屯河又南迤西折而東七十里右納科爾芬河又東南三十五里右納喀達罕河折而東北流七十四里牛滿河西南流來會又折東南流九十里左納哈拉河又東南二十里右納烏伊河又東南百三十里左納果爾幹努喀訥河塔拉木河喀惹努河庫木努河右納喀達爾奇河尼堪河安河折而西南五十里右納福河又折而東南五十里左納上珠春河右納薩里巴什河折西南二十五里右納札伊河又折

黑龍江與國說 總圖說

五

遼海叢書

而東南左納下珠春河格林河右納烏勒敏河又折西南四十里迤而南百十有五里左納庫魯河右納集達河又東南七十五里斐爾法鄂模水東北流來注之又東迤北百十有五里左納畢占河又東迤南五十里逕奧里米東故城北松花江東北流來會又東北流入吉林界嫩江亦曰諾尼木倫魏書謂之難水唐書謂之那河亦即徂越河遼金史謂之鴨子河元史謂之孫河亦謂之納兀河又謂之惱連水或謂之那江祕史謂之納活江明一統志謂之腦溫江源出墨爾根城伊勒呼里山東南流二百里左納額勒赫肯河迤而南流三十里右納喀奈河又南迤東流二十里左納喀羅爾河又東南流九十里左納鄂多河又南江中有九狼石國語曰烏云倭和沃赫水流成灘凡十五里迤南流七十五里右納喇都里河又西南流六十五里右納多布庫爾河自此西南流右岸入布特哈境三十五里右納歐肯河又西南流百七十里兩岸皆山水行曲折如弓曰達巴爾罕

穆丹又南流左納謨魯爾河又南流三十五里逕喀布齊老哈達東麓左納和羅爾河又西南流四十里附墨爾根城南下右納甘河又西南七十二里逕伊拉哈站西三十五里左右岸皆入布特哈境又西南流百有五里逕舊布特哈總管府之東府所在即金源長春邊堡起築地所謂達里帶石堡子也達里帶女真語迤而東南流二十里逕布特哈即博爾多站西二十二里又南流三十里左納納穆爾河又南迤西流三十里諸敏河東南流來會又西南流三十二里右納楚勒嘎勒河入齊齊哈爾境又西南流八十里右納阿倫河又西南流二十四里右納音河又東南流二十里逕齊齊哈爾舊城東又西南十二里逕齊齊哈爾城西三里而下又西南流四十五里逕富勒爾濟屯南十有八里逕溫托昏站西東岸入內蒙古杜爾伯特旗界自此南流逕多耐站塔爾哈站西凡百八十三里又南流逕邵爾和爾坡之西東岸入內蒙古郭爾羅斯後旗界又南二十二里逕古

黑龍江與國說 總圖說

六

遼海叢書

魯站西又西十一里洶爾河匯爲納喇薩喇畢爾騰自札賚界東流來會又南流七十里東益爲吳蘭諾爾又南二十八里折東南六十四里逕茂興站南郭爾羅斯牧地之金肇州故城南松花江自吉林伯都訥城西北流來會松花江國語曰松嘎里烏喇譯言天河明一統志語謂爲松花即古速末水也亦作粟末或作凍沫遼金史謂之混同江金史亦號黑龍江或曰宋瓦江元史謂之烏刺江祕史謂之活刺江源出長白山顛他們泊西北流逕吉林府城南又西北逕伯都訥城南又逕其城西又西北流至金肇州故城南與嫩江會土名三汶口金史所謂又刺春水之地也既會嫩江松花江折東北流二百二十四里逕郭爾羅斯後旗牧地黑龍江借設之博爾濟哈臺察布齊爾臺鄂爾多圖臺布拉克臺又東北流六十八里逕札喀和碩臺南右納吉林之拉林河即金史來流河元史刺憐河左岸入呼蘭城界又東北流八十四里右納吉林之阿勒楚喀河即金史按出虎

水又東北流十一里左納呼蘭河又東北流三十二里右納匪克圖河即金史匹古敦水又北迤東流七十六里左納碩羅河又東逕呼蘭廳南迤而南流二十八里右納吉林之察巴拉河又北東折而南又折而東流百餘里右納吉林之色勒站溝子又東流四里左納察罕泊水又東流二十四里左納布雅密河松花江既納布雅密河又東流八里右納海倫固爾河即金史海古水亦作海姑又東流百二十八里右納吉林之瑪顏河即金史僕燕水遼時五國蒲葦部即盆奴里部所居也左納西林河又東流六十四里右納吉林之拉格里河又東北流九十二里右納吉林之瑚爾哈河即唐書渤海忽汗河遼史幹朗改金史鶻里改里一作胡里改路之水元史所謂胡里改江也又東北十二里迤三姓城北右納吉林之發爾圖渾河亦曰歐肯河左納巴蘭河又東北流八十四里屯河即吞河東南流來會自布雅密河以東至吞河會松花江口之固木納城吉林沿江左岸借

起西南六十里至特木得黑站又西南七十五里至溫托昏站以上在齊齊哈爾界內又南七十五里至多耐站又東南七十五里至塔爾哈站以上二站皆在內蒙古又南七十里至古魯站又東南四十五里至吳蘭諾爾站又東南四十五里至茂興站以上三站皆在內蒙古又東南六十里渡嫩江松花江合流之三汊口入吉林界又四十里至伯都訥站以上二站皆在齊齊哈爾界內凡五百四十五里又自齊齊哈爾城下魁站起東北六十里至塔爾哈站又東北八十里至寧尼顏站以上二站皆在齊齊哈爾界內又東北九十五里至拉哈站又東北六十五里至博爾多站即布特哈副都統駐防之地又東北四十三里至喀迷喀站以上三站皆在齊齊哈爾界內又北四十二里至依拉哈站又北七十五里至墨爾根站折東北七十五里至和羅爾站又東北七十八里至喀爾塔爾吉站以上四站皆在墨爾根城界內又東北八十里至庫木爾站又東北三十五里至額裕爾站又東北七十五里至薩哈連烏拉站以上三站皆在黑龍江城界內自拉哈至此

凡十站北路又東北二十二里至黑龍江城凡八百二十五里臺分站官管理又東北西北兩路東南至呼蘭者凡七臺皆南路站官兼管自吳蘭諾爾站起東南九十里至博爾濟哈臺又東八十里至察布奇爾臺又東六十里至鄂爾多圖臺又東四十五里至布拉克臺以上四臺皆在內蒙古又東六十里至札喀和碩臺又東八十里至呼蘭廳治之巴彥蘇蘇凡里至新安臺以上三臺在齊齊哈爾城界內又東七十里至呼蘭廳治之巴彥蘇蘇凡一千一百七十五里西北至呼倫貝爾者凡二十臺由呼倫貝爾起式二員委筆帖自齊齊哈爾城下魁站起西北五十五里至七家臺又四十五里至甘井子臺又五十里至那木希臺以上三臺在齊齊哈爾城界內又四十三里至木爾滾楚臺又五十里至和尼必喇昂阿臺又三十里至和尼必喇臺又三十五里至錫伯爾哈臺又四十里至巴林臺又五十里至嘎爾甘哈達臺又四十里至雅爾博克圖臺以上十臺在齊齊哈爾城界內又五十里至伊勒克特臺又四十五里至呼爾格勒依臺又五十里

至們都克依臺又西六十里至札敦必喇雅克薩臺又西五十一里至喀勒和碩臺又西六十二里至札喇木台臺又西五十二里至哈克鄂模臺以上七臺在呼倫貝爾界內又西六十里至呼倫貝爾凡八百七十二里又自呼倫貝爾起北六十里至博霍托臺又北百里至依爾該圖臺又北六十里至西訥爾布拉克臺以上三臺在呼倫貝爾界內咸豐七年置專通中外交涉公文又西五十里至庫克多博喀倫凡二百七十里渡額爾古納河至俄羅斯薩拜喀爾省之舊粗魯海圖站以上臺站

齊齊哈爾城圖說

齊齊哈爾城周秦漢遼貊之地後漢三國魏屬夫餘國北境晉寇漫汗國後魏北齊豆莫婁國地西南本屬涉羅國始光中涉羅爲百濟所并當屬百濟國尋屬勿吉隋靺鞨黑水部唐黑水靺鞨地嫩江以西屬室韋五代遼屬烏隈子厥部嫩江以西屬長春州北境金上京路肇州北境蒲與路西南境其西屬泰州元初乃顏大王分地至元中屬浦峪路屯田萬戶府明置拜苦衛又於境內錯置可吉河納穆河阮里河牙魯阿倫葛稱哥古魯兀刺忽兀討溫諸衛及兀討溫所國初達呼爾錫伯卦勒察諸部弋獵游牧之地康熙二十三年設火器營參領暫守三十年賞打牲總管副都統銜暫守旋額設城守尉三十七年裁城守尉移墨爾根副都統來鎮三十八年黑龍江將軍亦自墨爾根來鎮守以上沿革東經七度一分北緯四十七度三十分十四秒夏至日出寅正初刻七分四十秒日入戌初三刻七分二

十秒晝長六十二刻十四分四十秒晝夜長三十三刻有二十秒冬至日出辰初三刻七分二十秒日入申正初刻七分四十秒晝長三十刻有二十秒晝夜長六十二刻十四分四十秒以上天度全城轄境起東經六度九分東暨十度四十六分北緯四十六度四十二分北暨四十八度三十六分南北縱二百二十一里東西廣五百九十五里東南至西北袤二百二十七里西南至東北袤三百有三里至京師水程無陸程三千三百七十七里縱距京師一千四百七十七里里橫距京師一千有七十五里斜距京師二千二百三十三里又十分里之二東至納敏河源四百八十三里呼蘭城界南至瑚裕爾河南封堆七十三里內蒙古杜爾伯特旗界西至雅爾河一百二十里內蒙古札賚特旗界北至納約特溝百五十里布特哈界東南至瑚裕爾河五十五里內蒙古杜爾伯特旗界東北至納約特溝源一百五十四里額魯特旗伊克明安公附牧地界西南至嫩江雅爾

河會口百有五里內蒙古札賚特旗界西北至金源長春邊堡百六十里布特哈界以上城東北三百十三里有察勒哈瑪圖山其脈自布特哈吉勒嘎爾山來在瑚裕爾河之北河南有喀爾喀勒圖山高五十丈土岡也又東北起頂爲巴彥蘇古山東經十度三十分北緯四十八度十分迤而東南起頂爲布倫山其山高大通肯札喀克音納敏四河出其西南東經十度三十分北緯四十八度十分其餘脈西南行者曰烏喇猛安山東經十度二分北緯四十七度一十分日海倫山東經九度五十五分北緯四十七度一十分皆培塿也以上山水則嫩江自寧尼顏額山東經十度七分北緯四十七度一十分站北既右納楚勒嘎爾河入境西南流二百四十五里右納雅爾河西岸入札賚特旗界折東南爲喇嘛灣右納綽爾河逕溫托昏站西東岸入杜爾伯特旗界其右岸本城境內所納之水最北者曰楚勒嘎爾河自布特哈入境東南流六里注於嫩江次南曰阿倫河自布特哈東南流五十里迤而南二十里逕穆庫喇蘇台西注於嫩江次

黑龍江與圖說 齊齊哈爾城

十一

遼海 卷四

南曰音河金史謂之顏河二源自布特哈穿金源邊堡入境至那木希台西北而合東南流九十一里隱見不常逕齊齊勒爾屯西南七家台東北又東南流二十八里注於嫩江次南曰庫庫勒河源出城西偏北八十五里之康家岡東南流分爲二支一東流十六里折而東流三十八里逕富勒爾濟屯之東注於嫩江其一西南流二十八里與科爾奇勒河合又迤而南流三十三里是爲庫庫勒河又東南流十二里注於嫩江次南曰雅爾河自布特哈分三支入境北支曰科爾奇勒河東南流分爲二先後與庫庫勒河合中支曰奇克尼河東南流三十一里分而爲二又東南流三十三里逕果多城西南而合又東南十二里與雅爾河合南爲雅爾河正流南流四十一里有胡玉爾庫河自札賚特旗界東流來注之雅爾河又迤而東南流四十二里逕札賚特之哈代罕站東北合奇勒尼河又東南流十二里注於嫩江嫩江東岸溢出之水城西南四十六里有托勒河分爲四

道至溫托昏站西北二十四里仍注於嫩江江水盛時托勒河於特木得黑站東南與瑚裕爾河下流通達也瑚裕爾河亦作烏羽爾圖語湧也後漢書言夫餘國北有弱水指此亦卽金蒲與路之河矣源出巴彥蘇古山北西南流三十四里有窟冷河北流來注之又西南流六十三里左右各納二小水又曲曲西流二十二里有得通河南流來注之又西南流二十五里有小水東北流來注之又西南流十五里窩羅河自察勒哈瑪圖山東麓南流來注之又西南流三十五里有音吉干河源出柞樹岡瀦爲泊西北流六十里逕喀爾喀勒圖山來注之又西南流十五里鄂魯洛河自察勒哈瑪圖山南流來注之又西南入額魯特旗附牧地凡百里至伊克明安公府莽奈岡前折而西北又迤而南六十五里有水自來可屯北流來注之又西南流七里納納特溝逕莽奈屯即莽奈舊喀倫之西又西迤南來注之又西南流仍入境二十八里折而南流爲九道溝八十里至二十

黑龍江與圖說 齊齊哈爾城

十二

遼海 卷四

額爾西爲唐圖河又南迤西五十七里分爲二其一支西南流又折而西北流逕特木得黑站北會托勒河入嫩江一支南流隱見不常入杜爾伯特旗界又分爲二東南一支瀦爲納赫爾諾爾又東南爲察罕泊西南一支瀦爲阿瑪塔泊水盛時又南迤東瀦爲烏克圖泊又西南分爲二入郭爾羅斯後旗一東南流瀦爲瑪瑪泊一西流逕古魯站北西南入於嫩江伯爾代溝自布特哈南流入界逕蘇克屯東北分爲二一東南流入瑚裕爾河一西南流爲納喇渾溝卽金史上京納魯渾河也逕塔哈爾站北會塔哈爾河注於嫩江東境之水皆以呼蘭河爲經流呼蘭河源出呼蘭城東北大青山卽布倫山西南會納敏河入境又西南流八十里通肯河東南流來注之又西南入呼蘭城界納敏河二源出布倫山西南流五十里而合又西南流三十二里曲曲逕綏楞額山西又西南流九十里西合克音河又西南二十五里入於呼蘭河克音河源出布倫山西南流百七十五

里合納敏河入呼蘭河通肯河源出布倫山西流九十三里折而西南流六十五里逕烏喇猛安山西有札喀河亦源出布倫山西南流逕烏喇猛安山南百二十里來注之又西南流五十二里有海倫河西南流繞海倫山折西北流來會海倫國語水別也境內泉泊其最著者曰那吉泊在音吉干泊西南西南流百里逕巴拜之地瀦於松津泊又馬鞍泊在那吉泊西南松津泊東南馬鞍泊之西南又有百花泉以

上水

黑龍江圖說 齊齊哈爾城

十三

遼海叢書

黑龍江城圖說

黑龍江城漢以前肅慎氏地其西北境秦漢之間屬東胡尋屬烏桓後漢三國魏挹婁國地晉入寇漫汗國西北境屬鮮卑後魏北齊豆莫婁國東南屬勿吉西北屬失韋最西屬烏落侯國隋爲北室韋鉢室韋深末怛室韋大室韋地東南屬靺鞨黑水部唐山北室韋大如者室韋小如者室韋婆蒿室韋嶺西室韋黃頭室韋訥北支室韋大室韋蒙兀室韋落坦室韋其東南屬黑水靺鞨北境兼有靺鞨思慕部郡利部地五代遼屬五國部剖阿里國地東南屬奧里米國鼻骨德國地西北境兼有室韋國及國外烏古一部敵烈八部地金屬蒲與路及烏古迪烈統軍司元屬蒲峪路明屬撒哈連地面永樂間於境內錯置阿蘇河土魯亭山納刺吉河阿刺山撒禿河考卽兀亦速里卜魯丹河忽里吉山薛列河忽兒海亦麻河也孫諸衛正統後又置巴忽魯速溫河南河答里山哈刺察木河弗河阿木河塔哈托里

黑龍江圖說 黑龍江城

十四

遼海叢書

英禿蜀河諺衛及兀者揆野木五延五因兀者揆河諸千戶所並涌坎河亦馬河黑龍江連溫河卜魯門河諸車卑讓河固里河的里木諸地面並編屬於奴兒干都司國初索倫鄂倫春畢喇爾達呼爾薩哈連諸部人雜居之康熙二十三年設黑龍江將軍並副都統二員一員與將軍同駐今城一員分守舊愛琿城二十九年將軍移駐璦爾根城留副都統一員守今城以上沿革東經十一度二分十八秒北緯四十九度五十九分十秒夏至日出寅初三刻十分三十二秒日入戌正初刻四分二十八秒晝長六十四刻八分五十六秒夜長三十刻二十一分四秒冬至日出辰正初刻四分二十八秒日入申初三刻十分三十二秒晝長三十刻二十一分四秒夜長六十四刻八分五十六秒以上天度西南至京師水程無陸程四千二百有二里西南至齊齊哈爾八百二十五里縱距齊齊哈爾城五百二十九里又十分里之六橫距齊齊哈爾城五百三十九里又百分里之

遼海遺跡

遼而西南起頂爲東興安嶺
遼河出焉又遼而東

送海東樓

緯一五十三度三十分
五十三度三十分
四十五分
克哈雅蒙古語山牆也其支幹中節南行

當寧尼河源者曰達勒魯沙山

爾山北緯五十一度四十五分 東經十三度五十二分又南為塔畢雅

源起頂為雅瑪嶺上有鄂博焉北緯五十三度五十三分 東經十三度五十三分其支幹西南行

者為圖勒里山當托謨牛滿二河間雅瑪嶺又東南至阿凌河源即

牛滿河東源也嶺上有鄂博北緯五十二度四十三分 東經十三度五十三分自此迤北謂之

外興安嶺中國黑龍江城與俄羅斯雅庫次克咸豐八年以前舊界

和約謂嶺南之水流入黑龍江者皆屬中國嶺北之水流入北海者

屬俄羅斯國是也外興安嶺支幹自阿凌河源分一支迤西南為都

薩阿林即斗色山東經十六度三十分至十七度四十分 北緯五十二度四十分至五十三度四十分又迤而西南為

布連斯奇嶺即楊山東經四十六度至五十七度 北緯五十二度四十分至五十三度四十分又西南畢占窩集其

支幹溯特爾瑪河西北上至阿拉河間為巴魯勒山西南為阿吉們

山其在塔拉木河庫木努河間起頂者為蘇拉錫哈達畢占窩集之

西瀕黑龍江東岸陡起七峯國語曰那丹哈達拉唐室韋駱丹部當

黑龍江與國說 黑龍江城 十七 遼海 遼東

在此江之右岸即哈木尼哈達也畢占窩集西南瀕黑龍江東北岸

有茂哈達茂國語兀善也哈達峯也此皆黑龍江左岸之山也以上

山水則以黑龍江精奇里江為境內之經流自俄羅斯國薩拜喀爾

省東北流會安巴格爾必齊河左岸入黑龍江城舊界東北流三百

餘里逕額爾登額倭赫北額爾古納河自呼倫貝爾東北流左岸逕

俄羅斯國薩拜喀爾省至額爾登額倭赫東來會又曲曲東流為道

五百餘里逕安羅山北牛克札嶺南迤而東南為道七百里許北會

精奇里江逕愛瑯城西黑龍江城東又南迤東九百里許南會松花

江入吉林界凡行境內為道二千四百餘里人行曲折三千餘里左

岸所納之水西曰安巴格爾必齊河上游曰烏倫穆河即綽爾納河

二源自石大興安西南流二百八十里左右各挾支渠四折東南流

左挾二支渠右挾一支渠百有四里逕額爾登額倭赫南注黑龍江次

東曰阿吉格格爾必齊河阿吉格格爾必齊河 遼東東南流六十八里注黑龍江次

東有水二源曲曲西南流而合折東南百里許注黑龍江次東有小

水東南流迤西南四十餘里注黑龍江次東曰阿瑪匹爾河舊圖作 格爾必齊河

上源曰池察特喀河自外興安嶺南流七十餘里而合迤南

三十四里有鄂爾多河東南流六十四里來注之又南迤東三十里

右納二支渠又東南三十一里有大鄂爾多河南流百有十里左挾

一支渠來注之又南流七十里有納一小水有莫果察河二源合而

東南流百四十里右挾一支渠左合小池察特喀河來注之又曲曲

東北流八十餘里有瑪固底吉河東南流六十六里來注之又迤而

東南流五十八里有烏得雅尼河東南流百里來注之次東曰烏爾

堪河其上源曰呼吉奇河自外興安嶺西南流折東南流百有十里

左納章他拉河又曲曲東南流百五十六里來注之次東曰伊格那

什諾河南流六十四里來注之次東曰烏特勒喜河自索勒關痕山

西麓東南流百六十四里左右各挾三支渠折南流六十四里來注

黑龍江與國說 黑龍江城 十八 遼海 遼東

之次東曰鄂爾河即烏魯赤河自索勒關痕山東南流百有五里有

哈拉穆河二源合而東南流七十六里來注之迤南九十四里右挾

一支渠注黑龍江次東曰鄂爾多昆河自外興安嶺西南流左右各

挾三支渠百三十七里有艾克塔河三源合而東南流百餘里來注

之次東曰庫塔滿達河東南流八十四里注黑龍江次東曰烏爾蘇

河二源西南流七十里而合又西南迤而東南流八十六里逕雅克

薩城西注於黑龍江次東曰鄂瑪河東南流三十里注於黑龍江次

東曰布爾曼里河蒙古語也東南流四十里注於黑龍江次東曰波羅

穆達河二源自牛克札嶺西北曲曲東南流二百里左右各挾二支

渠注於黑龍江次東曰額爾格河自牛克札嶺東北流迤而西南流

百七十餘里注於黑龍江次東曰巴爾坦河二源自牛克札嶺合而

西南流七十餘里注於黑龍江次東南曰托累河托累河 遼東源合而西流百十有五里注於黑龍江次東南曰鄂諾河二源合而

西南流百八十里許注於黑龍江次東南曰洵斯河西南流八十里注於黑龍江次東南曰巴里彥河西南流百有十里注於黑龍江次東南曰阿蘇河西南流八十里注於黑龍江次東南曰阿拉河西南流四十餘里逕木魯蘇城東南注於黑龍江次東南曰布蘭河二源自阿爾喇山合而南流百十有四里注於黑龍江次東南曰固蘭河西南流百有四里注於黑龍江次南曰登瑪拉河西流三十餘里注於黑龍江次南曰多魯果雅河西南流三十餘里注於黑龍江次南曰多普塔喇河西南流逕海蘭池西北注於黑龍江次東南有精奇里江曲曲西南流逕愛輝城北來會精奇里國語黃色也漢語呼爲黃河俄羅斯人呼爲結雅即唐鉢謁郡利部所居之水也源出外興安嶺南流二百有十里有庫普里河即巴里穆丹河曲曲南流百八十里左挾欽都河又西迤南五十餘里折而西流五十五里來注

黑龍江與圖說 黑龍江城

十九

遼海 卷一

之精奇里江既納庫普里河折而西流七十里自外興安嶺西南流迤西北流二百七十餘里來注之精奇里江又迤而西北流七十里有托克河二源合而西南流迤東南流百三十里來注之稍西流八里有蘇格札尼河南流百有里來注之精奇里江又西流六十里有烏爾堪河自達勒魯沙山東北流二百四十里左挾鄂羅格河艾札克河昔里克河來注之精奇里江又西流二十五里南納一小水北有門梅哈克河左挾一支渠南流百三十里來注之又西流二十里有特穆夏河西北流百十有三里來注之又西流二十四里有門梅哈河南流百有里來注之精奇里江又西迤南三十里左右各納一小水與巴爾坦河會巴爾坦河即布連塔河二源俱出外興安嶺南流百有十里而合又曲曲東南流九十五里有伊圖蓋河東南流七十來注之稍東流有夏夏尼河南流九十五里來注之有烏那哈河東南流百五十五里右挾塔普喀拉河鄂爾多河伊里堪

河迤東北流二十六里來注之精奇里江折南流二十八里有東塔河西流五十里來注之迤東南流三十二里有穆丹河西流七十里來注之又東南流四十四里有斜克魯河二源西北流合而來注之精奇里江折西南流六十八里有吉魯河東流來注之吉魯河亦呼急流河上源曰伊留吉爾河伊留吉爾河即伊勒河自外興安嶺西北流百有十里有莫郭特河折而西南流四十四里有薩吉克塔河南流七十四里來注之稍西南流六里有唐得河自伊勒提布斯嶺西北流二百二十里右合格特堪河折東流十二里來注之急魯河既合唐得河折東南流左挾三小水右挾一無名水及大小札勒圖拉河迤而東流十里有庫都里河西南流來注之急魯河又西南流二百九十四里逕投庫爾鄂拉東北左納伊喀河右納鄂托博克河注於精奇里江精奇里江既合急魯河又西南流四十里有耶里格雅河自克哈雅嶺西南流折西北流六十里來注之精奇

黑龍江與圖說 黑龍江城

二十

遼海 卷一

里江又西南流十有五里歧而爲二仍合而爲一先後有翁郭里克河莫河察河東南流四十里許來注之又西南流四十里左納一小水有烏爾河源出伊勒提布斯嶺曲曲東南流百四十四里有克喇克河東北流百有里來注之又東南流百有里替克德河即田地河東南流二百有里來注之又東南流八十里有阿爾巴河自投庫爾鄂拉南左合阿喇青喇河南流百六十四里來注之烏爾河又東南流百里分二道注精奇里江精奇里江既合烏爾河折而東南流三十六里有申夏勒河東南流五十里來注之又東南流三十里左納一小水有烏連吉河東南流百有十里來注之精奇里江又曲曲東南流六十四里有騰葉普河即覺普河西南流來注之騰葉普河其上源曰寧尼河自鄂郭倫湖西南流十里有察勒布格里河自達勒魯沙山西南流折西北流七十來注之寧尼河又西南流四十五里右納二小水逕克哈雅山東折東南流六十里右納一小水左納二小水